



**Fecha importante den e simannan binidero:**

<i>1 i 3 di sèptèmber 2020</i>	<i>Kòmbersashon pa sera konosí</i>
<i>12 t/k 16 di òktober 2020</i>	<i>Fakansi di Regata</i>
<i>19 di òktober 2020</i>	<i>Dia di estudio pa personal (muchanan ta liber)</i>

**NO tin anochi di informashon pa mayor dia 27 di ougùstùs 2020**

*Pa motibu di e medidanan preventivo kontra e vírus COVID-19, lo no tin un anochi di informashon e aña eskolar aki den klas di bo yu. Durante e anochi akí, normalmente mayor lo a tende serka e maestra(nan) di e yu, kon e aña eskolar ta planiá. E aña eskolar akí nos lo hasi esaki na un manera diferente, mayor lo risibí un video serka e maestra di grupo, kaminda e ta splika kon e manera di traha lo ta den su grupo.*

**Medidanan di prevenshon kontra e vírus COVID-19**

*Sin duda, mayor mes lo a ripará ku ainda no por laga mayornan subi plenchi di skol i òf drenta e edifisio. Mi ke remarká ku esaki tabata un desishon nashonal i nos komo skol tambe mester tene nos mes na dje. Nos ta pidi komprension di mayornan den kaso ku un òf otro kolega yega na hala mayor su atenshon pa warda pafó di kurá di skol.*

*Mas aleu nos ke pidi mayor pa por fabor, tene e yu na kas den kaso ku e tin síntomanan di grip òf fèrkout / tosamentu.*

*Na skol nos no ta duna alumnonan man i nos ta laba man regularmente durante di oranan di skol. Ademas nos tin un trahadó di limpieza ku ta sòru pa keda limpia tur porta, tualètnan, etc. ku regularidat durante di dia i tambe ta desinfektá e klasnan na momentu ku e grupo ta hungando pafó òf a bai e sala pa hasi deporte.*

**Situashon di tráfiko**

*Nos ta hasi tur loke ta posibel pa yuda e tráfiko rondó di skol akí pa bai mas rápido. Pero den esaki nos ke hasi un petishon na mayor pa por fabor, si ta nesesario, parker e outo kaminda ta posibel pero kaminda ku esaki no ta forma un opstákulo pa e tráfiko por sigui kore. Lamentablemente, nos tin ku siña biba ku e espasio di parker limitá ku nos tin aktualmente, pero esaki ta eksigí poko pasenshi i komprension pa ku otro. Kòrda den esaki tambe riba e funshon di e zona “Kiss and Ride”. Akinan mayor por para, laga e yu baha òf drenta i sigui kore mesora. Esaki ta hopi importante pa e tráfiko por sigui kore.*

*Tambe tin alumnonan for di grupo 6 bai ariba, ku ta kana bai Kaya Amsterdam pa drenta den outo ayanan. Mayornan, por fabor, hasi bon palabrashon ku e yu den kuadro di su seguridat.*

**Grupo 6a**

*Grupo 6A a hasi un tarea di koperashon mashá pekuiliar i úniko e promé siman akí. Repartí den 6 grupo, e alumnonan a traha un toren di spaguèti, bònshòn i teip. E tarea tabata pa purba traha e toren di mas haltu den klas. Esei tabata un reto! E alumnonan tabata pará*

*habrí pa otro su ideanan di konstrukshon, nan tabata selebrá nan éksito i skucha di otro. Tremendo, e yùfrou i mener tabata sumamente orguyoso!*



***Desaroyonan na e akohida di skol i ... tin un lokalidat nobo.***

*Stichting Professionele Kinderopvang Bonaire (SPKOB), nos partner pa loke ta trata akohida despues di skol, a habrí un lokalidat nobo fantástiko: 'De Oceaan', esaki ta situá banda di e edifisio di Trans World Radio. Durante e promé lunanan e alumnonan di grupo 1 / 2 lo bai ayanan. Pa motibu ku Kaya Amsterdam ta drùk, un bús lo transportá e alumnonan den e gruponan mas abou pa e lokalidat.*

*Den òktober 2020, SPKOB lo laga agregá dos lokal di emergensia den nos kurá di skol, di kual tantu e skol komo e akohida lo hasi uso.*

*Na momentu ku pone e lokalnan di emergensia akí, e alumnonan ku ta bai e sentro di akohida despues di skol (NSO) lo permanesé mas tantu riba nos mes tereno di skol.*

*E aña eskolar akí, e sentro di akohida despues di skol (NSO) lo bai brinda hopi diferente aktividat. For di awor akí e alumnonan por skohe pa entre otro waterpolo, futbòl, baile, brass band, skol di talento, aktuashon, pintamentu, landamentu di kantamentu den un kor. Banda di esaki, ainda ta bin aserka téknika i lès di Spañó.*

*E koperashon entre skol ku e sentro di akohida despues di skol (NSO) ta birando mas i mas grandi, pa motibu ku ya tin dos kolega di nos skol (yùfrou Carlin i yùfrou Inge) ku tur dia ta bai huntu ku e muchanan despues ku skol a kaba, na e akohida pa huntu ku e lidernan / koleganan di SPKOB nan sòru pa un mèrdia agradabel i dushi.*

***Wèpsait di bs De Pelikaan***

*Riba e wèpsait di bs De Pelikaan, <https://bsdepelikaan.com/> mayor por haña e guia di skol i e agènda di aña eskolar 2020/2021. Riba e sait tambe tin nos boletinnan di e aña eskolar aktual. I finalmente ...por mira tambe un potrèt resien di nos ekipo, na e momentunan aki nos skol ta konsistí di 45! miembro di personal.*

*Un saludo kordial,*

*Gerald Kolenbrander  
Direktor di bs De Pelikaan*